

故宮博物院
珍藏集

河南府州縣志

共五冊
第二冊



故宮博物院編

海南出版社

故宮珍本叢刊第 127 冊河南府州縣志第 2 冊(共 5 冊)

故宮博物院編

洧川縣志

儀封縣志

中牟縣志

第二冊(共二冊)

海南出版社

圖書在版編目(CIP)數據

故宮珍本叢刊.第126~127冊,地理.都會郡縣.河南,[乾隆]洧川縣志、[乾隆]儀封縣志、
[乾隆]中牟縣志/故宮博物院編.-影印本.-海口:海南出版社,2001.4

ISBN 7-80645-977-4

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06521 號

故宮珍本叢刊第127冊

河南府州縣志第2冊(共5冊)

[乾隆]洧川縣志 [乾隆]儀封縣志 [乾隆]中牟縣志

第二冊(共二冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路2號 郵政編碼:570216

湖南省新華印刷三廠印刷

湖南省長沙市韶山路158號 郵政編碼:410004

本書正文用紙由金城造紙(集團)有限責任公司生產

*

2001年6月第1版 2001年6月第1次印刷

開本:787×1092毫米 1/16 印張:22 印數:1-400冊

ISBN 7-80645-977-4/Z·58

定價:860元(河南府州縣志9種共5冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

儀封縣志卷之十一

故宮珍本叢刊

壺型志

賢母

孝婦

貞節

烈行

歷來郡邑志乘婦女但載節烈其他懿行不概見是必處變乃傳履常則有美弗錄非所以廣勵閨門激揚風化也陶母曲成其子鮑妻善事其姑自昔推女宗焉爰采母賢婦孝以冠壺型之首而冰霜之操金石不渝無論已未旌表並著於編以敦

風教志壺型

儀封縣志

卷之十一

壺型志

一

明

賢母

張汝翼邑增生妻李氏夫卒氏年二十歲矢志守節孝養翁姑皆氏紡績所供撫育四子勵志讀書皆成名長尙恒嘉靖戊午舉人次尙益次尙隨庠生次尙賁貢生縣學申請褒獎巡撫卞給匾曰節孝貞慈巡按部給匾曰蓴錄修齡祀節孝

謝天恩妻孔氏夫歿氏年二十一歲孀居矢志經年不出閨闥家貧織紉謀生辛勤育子遺孤夢顯

儀封縣志

卷之十一

賢母傳

二

克承母教於嘉靖庚子登賢書授山東武城縣氏卒年六十六歲有司奉詔以表母儀祀節孝

王卯妻戴氏年二十喪夫撫育孤子命召有成名

列庠序氏年七十二歲終萬歷間知縣張邦俊旌

曰貞節可風

張蘭壽妻杜氏蘭壽病故氏年二十六歲遺孤贊

二歲始孩氏辛勤教子成名有聲贊序

馬之起妻王氏妾薛氏之起謝世王氏二十五歲

薛氏二十二歲同心守節撫孤嵩年弱冠補弟子

員孫驥順治己亥成進士

馬國祥妻楊氏年十四歸于祥祥天亡氏年二十歲孤子鑲甫一齡氏大義自持誓不二志越六年祥弟國禧相繼歿妻刁氏年二十五歲孤子錄方數月妯娌共勵水霜事老撫幼二子俱克成立並列膠庠舅姑先後謝世二氏拮据成禮順治四年知縣白國樑表其閭曰一門雙節

徐翼聖妻張氏二十而寡孤子師毅甫在襁褓舅姑年高氏奉事惟謹教子成章嚴慈並濟弱冠補

儀封縣志

卷之十一 賢母傳

三

弟子員氏卒年七十署縣鍾公表曰蒼筠矢志

皇清

田榮妻張氏于歸三載夫亡抱痛欲絕撫孤兒旣減以慈母兼嚴父弱冠遊庠氏年七十而卒康熙元年知縣門四闢額其閭曰茹蘗丸熊
孔毓芳妻馬氏爲同邑諸生于蕃室女年十八于歸奉事翁姑惟謹越十載毓芳病故氏年二十八歲一子傳符方穉父于蕃以大義曉之曰女子從一而終義也有子弗守以死殉夫則亦非義之正

汝當善撫爾子以延夫祀氏守志終身克勤克儉遺孤傳符於雍正己酉選貢孫繼曾補開封府學廩生繼翥領乾隆戊午鄉薦皆馬氏之教也氏卒年七十一邑令袁公珂給匾曰節孝垂芳

馮澗邑諸生妻張氏澗亡氏年二十有七矢志守貞貌孤四人思惕思憚思愉思悱俱在孩穉澗父瑋以明進士出宰德清遭變歸里宦囊蕭索氏娛老撫孤艱辛備歷督四子向學思惕思愉先後遊庠氏并憐姪婦孀居從孫失怙畢力栽培之卒年

儀封縣志

卷之十一 賢母傳

四

七十七歲於雍正三年邑令袁公郡守談公並錫匾額以表其閭

湯繼禹邑監生妻尙氏年二十六歲夫亡貌孤式九甫生八月撫育備歷艱辛崇禎壬午流寇擾害氏奉高氏劉氏兩孀姑避難河朔賊平旋里故業蕩然氏勤絀織以佐甘旨訓孤兒學成入泮卒年六十七歲於雍正三年具題建坊祀節孝
齊國玖考授經歷妻傅氏年二十八而寡撫育遺孤居酉堅貞自矢躬親績紡課兒句讀居酉弱冠

遊庠於雍正丙午科附薦賢書氏壽登九秩膝繞

曾元雍正八年邑令梅枚表其門曰鶴齡鳳采

秦繼曾妻孔氏夫故氏年二十歲遺孤在

孩抱氏躬勤紉織課子嚴慈兼濟益遜早歲入庠

食餼克振家聲氏壽踰七十乾隆元年閩學公舉

學院張考錫額曰井水矢清

郭隱妻王氏爲新安縣訓導世治室女年十八于

歸越五載夫故無子以夫兄次子方廣爲嗣翁歿

姑衰氏扶掖起居不離朝夕督子向學弱冠補弟

儀封縣志

卷之十一 賢母傳

五

子員氏壽踰八十乾隆二年學院張考錫額曰水

心維則

盧殿臣妻湯氏年十九于歸結褵三載夫亡有遺

腹彌月產男氏恪守從一之志辛勤撫育孤子盧

元克承母訓爲國學生卒年六十六歲於乾隆二

年具題建坊

尙訥妻劉氏年十七歸於尙越四載夫亡遺兩藐

孤孤泣在抱氏仰事老親俯育穉子躬操機杼課

以詩書長廉源入邑庠次淵源附郡學乾隆二年

學院張考表其門曰金闥砥柱

胡毓璉繼妻侯氏適璉一載璉卒氏年二十一歲

無所出元配遺有二子長銓次志賢甫在孩幼氏

長養教誨均克有成先後入泮氏壽踰六十而終

孔毓倫妻聶氏年十九于歸結褵五載毓倫病故

乏嗣氏承翁姑命以夫嫡姪傳寧爲繼子時方歲

週撫養成立傳寧克承慈訓弱冠遊庠氏卒年六

十四歲

甯德俊妻李氏夫故氏年二十歲幾不欲生念有

儀封縣志

卷之十一 賢母傳

六

遺腹緩死彌月產男甯露氏奉事舅姑教育孤子

甯露弱冠入庠氏卒年五十一歲於乾隆十年請

旌建坊

趙亭妻徐氏年十九于歸結褵五載亭以疾卒氏

年二十四歲一子冠英甫在孩抱翁姑時已垂老

氏以一身奉養高年撫育穉齒冠英早歲入泮食

饌氏年已六十乾隆十六年閩學公舉學院夢麟

錫額栢舟高範

馬恤中妻左氏年十七于歸結褵十載恤中病歿

遺有二子長曰上達次曰上義翁姑在堂家業蕭條氏以紡織供饑饉凡二子束金皆出其中焉上達早年入庠氏卒年八十三歲守節五十七年學院張公考題其門曰懿德昌後

張士麒邑監生妻張氏夫亡氏年二十三歲孤子純智甫一歲士麒善事父母素以孝著氏亦善事翁姑以成夫志辛勤課子入國學以能文稱氏卒年七十八歲乾隆十七年總督河院嵇曾筠旌其門曰勁節凌霜

儀封縣志

卷之十一

賢母傳

七

劉祥來妻管氏年十七歸劉越五載生子振鐸甫一歲祥來卒氏年二十二矢志守貞孝養翁姑曲盡婦道撫育幼子延師訓習詩書俾振鐸早年入庠守節三十年卒年五十二歲

戴高妻王氏夫故氏年二十七歲長子克勤三齡次男興賢遺腹逾五月而生氏念姑已早亡翁衰子幼境况多艱代夫仰事俯育貧不自給資以女紅翁以天年終喪具廬不周到訓子興賢讀書入泮守節三十五年現年六十二歲

程寅妻丁氏年十七歸程甫及二載程寅病故遺子執中僅二十餘日翁姑在堂俱係暮年氏奉事二人以媳代子教育藐孤以慈濟嚴迨翁姑辭世盡禮盡制而執中成立策名太學守節五十八年享年七十五歲閩學公舉節孝學院蔡公新旌其門曰淑德貞操

戴隣川妻高氏年十八歸戴甫三載隣川卽以時疾卒維時上有翁姑下無子女氏欲以身殉有翁禮諭示以大宗不可絕嗣繼嗣必有承領氏乃吞

儀封縣志

卷之十一

賢母傳

八

聲忍泣抑志守節後以夫弟庠生濬川長子良貴生方弭月卽爲過繼氏愛之不管已出撫育成立今爲國學生諸孫林立爲長門衍一脉之傳現年六十七歲守節四十六年

父母有子必教之然父在則母或偏於慈父沒則兼有嚴君之責焉惟母氏足不踰戶外邪僻之誘比匪之傷防閑或有弗逮其不率教者多矣若夫撫孤子以成立秉母訓以淑身人徒見其後日之顯揚嘖嘖稱羨而不知鞠育於茹荼飲藥之中提

訓於風雨冰霜之際者人不能見也母賢而子克承之豈獨一家之慶云爾哉茲於邑中賢母彙集

一編用彰壹教

儀封縣志

卷之十一

九

孝婦

明

陳玉妻吉氏玉死玉父子乾年老吉氏操井日供炊爨惟謹翁患傷寒親侍湯藥病劇割股以進病遂愈

魏讓妻樊氏素嫻婦道侍養老姑周旋寢食無不曲體能博歡心及姑抱病瀕危氏祈天割股調羹以進姑病立起邑人咸高其行聞於有司特表其閭曰不愧女宗

儀封縣志

卷之十一

孝婦傳

九

李進知妻朱氏夫故氏年二十歲水就自矢敬奉翁姑二老相依爲命翁八十四歲姑八十一歲同年謝世氏力營殯葬相繼而終

劉恕妻段氏恕歿氏年二十六歲翁姑相視而泣以氏未有兒息恐懷異志氏撫臆盟心願相依終老家貧手針紉以養翁姑生事死葬敬謹有加成化二十三年奉詔建坊曰節孝祀節孝

孔尙寶妻黃氏年二十夫亡有女始孩甘心終節事姑左氏夫遺有墳地三畝氏力耕以奉其姑姑

得願養終身姑歿氏亦垂白後以天年終

岳萃英妻李氏侍御李敏孫女十九歲夫亡遺腹得男撫孤矢節歷六十五年卒萬歷間歲荒氏鬻簪珥奉養舅姑及相繼謝世喪葬盡禮萬歷四十二年邑令劉廷宣獎之曰共姜比美後孫岳進善曾孫岳雅皆補弟子員

高登選妻左氏登選家貧舌耕養母館穀不繼氏勤紡織助之克孝其姑進膳侍寢晨昏弗懈姑攬疾篤氏割股救姑病賴以安天啟二年知縣李長

儀封縣志

卷之十一

孝婦傳

十

春給穀獎之并表其閭

劉尙孔妻李氏善事其姑孔氏孔氏衰年多病每思烹鮮李手針紉以佐甘旨怡然色養一朝姑病沉篤氏割股療之病漸愈見其股上刀瘢驚問倍加矜憫鄉里稱爲孝婦

侯之翰母王氏之翰父早世祖母崔氏衰邁與媳王氏相依爲命崔氏病劇王氏焚香告天願以身代潛自割股以奉姑病立愈崇禎三年知縣黎玉田表其門曰格天壽姑

皇清

戴先覺邑貢生妻劉氏先覺家貧母老出外教授生徒劉氏克孝其姑親執炊爨以供饗殮姑病醫藥罔效幾不能起氏割股以進病遂廖順治十四年邑宰崔維雅書額獎勵

馮孜惺邑庠生妻趙氏年十六歸於馮踰年夫故未有兒息氏孝事翁姑婦代子職每事先意承志使翁姑不知有暮景之愁氏亦若忘癯居之苦迨翁姑相繼謝世氏營喪盡禮盡哀宗黨稱善完

儀封縣志

卷之十一

孝婦傳

十一

節四十年卒年六十六歲

張時中妻王氏年十九嬪於張家貧時中父斌爲武孝廉母越氏素孱弱氏敬事翁姑每食必請所欲雖疏食必精必潔姑年七十卧病累月醫治不痊王氏禱天割股爲麵食以進姑病輒愈壽至八旬八咸謂孝思所感

管培業邑庠生妻孔氏年十九于歸奉養其姑馮氏朝夕不懈馮氏年逾六旬抱病床第孔氏親侍湯藥不離左右病勢日沉孔氏終夜傍徨焚香默

祝割股雜肉勸膳馮氏食之病痊增壽六載鄉里稱其賢孝

馮思悌邑監生妻孔氏年十九于歸念孀姑張氏垂老一切家務服勤罔倦不貽姑憂姑患癱症手足痿痺幾不復起孔氏割股佐食勿令姑覺痼疾頓瘳後壽踰七十孔氏有子孝誠素遵慈訓弱冠遊庠食餼共稱賢孝之報

徐允珩妻李氏夫故孀居事翁姑至孝其翁徐定國患病傷寒氏百計莫救翁思食肉家甚貧且鄉

儀封縣志

卷之十一 孝婦傳

三

居不可猝得氏遂割股以進翁食之病愈及翁問肉所由來隱匿不告後隣居老媪見其股上刀瘢邑人乃共傳之

劉朋邑堽陽集人妻王氏事其繼姑婁氏克盡婦道婁氏悅其婦並及其兒釀成一門慈孝乾隆七年姑病卧床得垂危王氏割股以進姑病輒愈咸稱孝感所致事載中州彰善錄

張元禮妻王氏結褵五載夫亡無子氏年二十三

歲翁康熙己卯副榜張雲霞年逾六旬姑復患癱

不起氏事翁姑終身勿懈姑病侍櫛沐調湯藥不離左右雍正年間翁姑相繼謝世家貧經營葬具百苦千辛卒勲大事邑人稱婦之賢僉謂張氏無子而有子

劉聘良妻孔氏年十八于歸越十載夫亡無嗣遺兩女孩氏曰有子則守無子則死婦道也但老姑在堂年近七旬養生送死繫誰之責因撫弱女朝夕織紡以供高堂之養姑歿盡哀盡禮葬則親駕靈輻道旁觀者無不悽愴洒淚婦居四十載卒年

儀封縣志

卷之十一 孝婦傳

三

六十八歲

張承統邑監生繼妻趙氏克敦節孝承統元配孔氏育子則朱已出嗣氏夫亡無子矢志守貞敬奉其姑侯氏服勤弗懈乾隆十四年侯氏病劇趙氏割股療姑姑病輒愈

郭世珍妻劉氏十八于歸越次年世珍亡氏以身殉者數舅姑慰勉至再取夫弟子摛謙爲嗣氏遂留心撫育家貧日以紡績爲生奉事舅姑惟謹適舅病篤乞天願代旋割股包麵食以進舅病遂愈

氏現年五十五歲守節三十八年

婦人之孝事舅姑猶男子之孝事父母非以夫之存歿異也然當伉儷相偕庭闈並侍刑于之化歸美其夫孟子所稱導其妻子使養其老是也至於人稱未亡親年垂老家貧如洗宗黨無依哭哭發婦能供菽水於生前謀窀穸於身後將所謂養生送死婦代子職者非與志中所收孝婦多屬孀閨蓋孀而能孝爲更難也用以厚人倫勵婦道雖割股醫親久在例禁然亦愚孝之一不敢掩沒云爾

儀封縣志

卷之十一 孝婦傳

十四

貞節

唐

賈直言妻董氏名德直言坐事貶嶺南以妻少乃訣曰生死不可期吾去可亟嫁無須也董不答引繩束髮封以帛使直封署曰非君手不解直言貶二十年乃還署帛宛然及湯沐髮墮無餘

明

段整妻魏氏夫歿氏年二十三歲翁姑時皆垂白三子甫在襁褓氏以織紉營生老幼咸資其養後

儀封縣志

卷之十一 貞節傳

十五

長子安已授室而孀寡媳胡氏年十九亦以死自誓苦節三十餘年成化四年奉詔表其門曰雙節祀節孝

李嵩妻于氏都憲敏之冢婦也嵩早逝遺孤甫三月氏孀居四十三年隣人不識其面撫其子成立出仕成化五年奉詔表其閭曰完貞祀節孝

侯端妻王氏夫歿氏青年矢志服闋終身不施膏沐不御綺羅孀居四十年壽踰六十撫孤成立嘉靖二十一年奉詔建坊曰貞節祀節孝

秦儀妻陳氏儀病故無子氏年二十矢志完貞卒年七十二歲苦節五十二年

侯名環妻李氏夫歿年十九投繯以殉姑救解以告翁翁曰爾死完爾之事爾子始孩失乳必死死則侯氏無後矣涕泣勸諭氏悟乃敬事翁姑鞠育孤子邑令錫額曰節並栢舟卒年六十八歲

張鳳苞邑廩生妾劉氏苞故氏年二十與其嫡溫氏俱無子有女六人越二年溫亦相繼卒劉矢志靡他遺嫁六女主持家計年七十以病終無子守

儀封縣志

卷之十一

貞節傳

六

節且以側室與嫡並守節嫡死又獨守節是皆爲其難者鄉黨重之

王徵祥妻侯氏肅敏公孫婦也祥死誓以身殉衆相勸諭以藐孤在抱乃辛勤育子克延後嗣終其身足跡不踰閨閭壽七十二而卒有司褒之曰栢操松齡

魏紫雲妻呂氏結縵二載夫亡氏年十七歲有遺腹彌月產男舅姑父母欲奪其志氏誓不從苦節四十年年五十六歲卒子亦相繼亡一孫力農特

爲孀居祖母表其清節

張日進妻管氏進歿氏年二十五歲有子始孩矢志育孤卒年八十歲完節五十五年

戴一楓妻趙氏夫亡氏年十九歲卒年八十七歲守節五十八年

陳繼賢妻孫氏夫亡氏年二十三歲卒年九十歲守節六十七年

刁鳴忠妻侯氏夫亡氏年十六歲卒年七十三歲守節五十七年

儀封縣志

卷之十一

貞節傳

七

蕭景和妻魏氏夫亡氏年二十二歲卒年七十歲守節四十八年

蔣國表妻魏氏夫亡氏年二十歲卒年七十三歲守節五十一年

張忠邑諸生妻王氏忠歿氏年三十歲卒年七十七歲守節四十年

張祖聲妻孔氏夫亡氏年二十九歲卒年六十七歲守節三十八年自戴趙氏以下節婦七人軼其事實茲特紀其節壽

翟位妻汪氏位死遺三子名添慶甫在孩穉氏撫育成入苦節四十餘年署學道李錫匾獎之

李登喬妻李氏喬亡遺孤尙忠甫三歲氏撫育成入娶婦郝氏尙忠復早亡二子俱幼姑媳兩代苦勵貞操始終不逾時稱一門雙節李氏年九十七歲卒郝氏六十六歲卒祀節孝

傅儀妻劉氏儀歿氏欲以身殉家人勸慰歷四十載始終不渝宏治元年詔表其門祀節孝

喻祥妻胡氏夫歿氏年十九歲哀號屢絕甦勉育

儀封縣志

卷之十一

貞節傳

六

孤踰年妯娌以微言探之胡泣曰古云餓死事小失身事大今日之事更復何言遂斷指以示信孀

居五十年宏治十七年詔表其門祀節孝

黃智妻蔣氏夫歿氏年二十七孤子守正生未彌

月哀泣七日不食姑憐之勸令改圖乃斷髮剃面

深夜引繩自縊室內忽如雷震姑覺救免孀居三

十六年宏治十七年建坊曰貞節祀節孝

馬國貢任山東棲霞縣繼妻王氏國貢卒氏年二

十三歲矢志堅貞又能贍恤三黨眾稱其賢國貢

元配之子繼武其妻劉氏亦無所出繼武又故氏年二十一歲與姑共勵清節前後五十一年萬歷

十五年知縣薛同術表其門曰雙節繼美

劉佃妻尙氏佃故氏年二十四歲一子四齡撫之成立卒年七十九歲苦節五十五年萬歷二十七年知縣張邦俊旌其門曰栢舟矢志

李之蘭妻孔氏夫故氏年二十歲孤子允昌一歲氏躬勤紡績教養成立守志四十九年卒六十九歲

儀封縣志

卷之十一

貞節傳

七

田永漢妻張氏夫亡氏年十九歲有遺腹逾三月

生男矢志撫孤百苦倍歷

霍重光邑諸生妻孟氏夫死無子止遺二女又相

繼俱亡氏清操自勵守節四十餘年

賈光宦妻趙氏夫死氏年二十八有遺腹彌月生

兒名獻璋撫育成入守節四十七年

楊名高妻朱氏夫亡年二十三遺腹得男名石麟

撫養成立納婦生孫氏猶主持家計守節五十六

年壽至七十八歲

曹東淄邑諸生妻宋氏夫死自縊尸傍父母知賢
救解復曲爲勸慰氏乃矢志守貞孀居二十餘年
卒

徐加論妻郝氏夫故氏年二十遭孤鳳翼甫一歲
氏苦節四十八年天啟間知縣許國翰表其門曰
栢舟勵操

張桂邑諸生妻岳氏太平府同知岳思忠孫女桂
歿氏年二十二孤子四齡撫育成立生四孫長居
易次所蘊俱庠生次學蘊領鄉薦曾元繞膝九十

儀封縣志

卷之十一

貞節傳

三

三歲卒天啟間邑令孟紹孔表其門曰節壽天全
邑人爲聯曰人經五世壽近百年

尙明紀妻李氏夫亡氏年二十三青春矢志天啟
間邑令孟紹孔表其門曰貞節可嘉六十一歲卒
劉松邑諸生妻宋氏夫亡矢志遺孤在抱教養成
立守節五十餘年崇禎五年邑令黎玉田以事上
聞奉旨建坊祀節孝

賈東魯妻張氏夫死氏年二十五遺有二子長興
仁六歲次興讓二歲家貧子幼日不再食氏勤績

撫孤崇禎七年邑令申佳蔭表其門曰貞節可風
王九鼎又表之曰節凜冰霜八十一歲卒

譚思聖妻郭氏思聖故遺孤來貢甫二歲氏撫育
成人娶婦刁氏生子應龍甫二歲來貢又故姑媳
誓志守節撫應龍成人娶婦孫氏生子宏嗣甫二
歲應龍又故孫氏孀居一門三節古今僅見
管漢雲妻賈氏夫死氏年二十八遭孤攀桂五歲
丹桂三歲撫育成立克孝孀母守節四十餘年崇
禎十年知縣何呈瑞表其門曰母節子孝

儀封縣志

卷之十一

貞節傳

三

劉一鳳妻周氏夫亡家貧如洗氏年二十一甘心
苦節紡績自資至老不渝崇禎十年知縣何呈瑞
表其門曰白髮青孀

張成妻戴氏張啟寅妻侯氏成與啟寅兄弟相繼
歿二氏並勵清操當明季寇擾相携奔竄時有雙
節芳流之旌祀節孝

張之俊妻侯氏年十七于歸兩載夫亡有遺腹生
男允恭氏撫養遺孤苦心矢志明末寇陷儀城之
俊棺爲賊斫開顏色如生允恭生不識父忽見父

而痛哭倒地侯氏掖子哭絕復蕪哀感賊人

張蘭妻杜氏二十六歲守節

劉名譽妻陳氏二十四歲守節

劉松妻高氏二十一歲守節

張禮妻周氏二十五歲守節

孔貞亮妻馬氏二十一歲守節

李進和妻宋氏二十歲守節杜氏以下節婦六人

時當明季喪亂失於表揚舊志畧其事蹟莫考今

僅登姓氏

儀封縣志

卷之十一 貞節傳

三

皇清

趙東言妻郭氏夫亡氏年二十二無子有女二人

家貧乏食艱苦延生卒完貞節年八十卒順治十

七年知縣門四關錫匾曰美嫺栢舟

曹可久妻李氏年二十夫亡子幼苦心矢節上事

翁姑下撫幼子子死育孫克勤克儉卒年八十九

康熙七年知縣范端錫匾曰苦節存孤

張斐成妻郭氏年十八歸張越二載夫亡哀毀痛

悼欲以身殉念有遺腹隱忍以待越月生男撫育

孤子孝事翁姑艱苦備歷遺孤大誦入太學且有

子署篆鍾公表其門曰盛世坤貞

王維新妻張氏夫亡孤子建中甫在孩幼苦節自

持教子成立年至八十猶勤家政邑侯宋公旌其

門曰栢節松年

王英秀妻張氏歸王二載夫亡誓欲身殉念孤子

傑尚在襁褓矢志守節家貧氏晝夜紡績度日年

八十餘猶督率諸婦既晝弗衰

李貴友妻馬氏年二十二歲夫病故家業蕭然但

儀封縣志

卷之十一 貞節傳

三

遺穉子氏撫孤矢志茹藥飲水歷五十年如一日

年七十餘卒

尚書邑貢生妻王氏工部主事王灝室女結縉九

載夫亡氏年二十五歲晝夜號泣屢欲身殉又念

孀姑在堂孤子尙瑒方五月甞勉事姑撫子成立

守節三十六年卒年六十一歲於康熙五十年具

題建坊祀節孝

張天聰妻戴氏年十九夫亡有遺娠三月產兒允

孚氏念夫無兄弟祇此一脉守志撫孤子復生孫

大衍厥嗣完節六十三年卒年八十二歲康熙五十年邑侯倫之綱哀之爲作黃鵠歌

孔傳典妻戴氏年十八適孔門越五載夫故遺孤繼昭甫三齡翁姑在堂氏養老撫孤獨持苦節子繼昭遊國學孫廣教以郡學歲貢現任葉縣訓導孀居五十九年卒年八十二歲於雍正三年署篆李鍾璠表其門曰勁節凌霜

湯伊知邑孝廉繼妻楊氏年十六歸湯前子孟禮

甫九齡撫愛一如已出親子魁光甫二齡伊知卒

儀封縣志

卷之十一

貞節傳

五

於葉縣教署氏年二十五歲扶輿旋里魁光復殤氏悲腸寸裂卒勤家政撫育諸孫史學士學入庠壽踰八十以天年終

湯作霖妻張氏年二十六孀居翁姑在堂孤子元佐在抱追翁姑相繼謝世夫弟三人俱幼氏携穉叔與孤兒一體撫恤夫弟豫誠後以科第顯寡嫂教養之力居多完節四十二歲卒年六十八歲雍正三年與祖姑尙氏同時具題建坊祀節孝

王憑引妻曹氏年二十二歸王越六載夫故孤子

昭服昭許幼穉翁姑垂暮氏以一身上下撫事翁卽於是年謝世經營喪葬盡禮盡哀至七十五歲而卒雍正三年邑令袁珂給額曰節壽天全

張恭先妻張氏年十七于歸十年夫亡氏無兒守節三年服闋夫弟孚先舉子名法立爲氏後氏恩勤鞠育及長爲邑庠生諸孫林立科第繼美克繼宗祧完節五十四年卒年八十一歲於雍正三年邑侯袁珂錫額相節松齡

張公宣妻王氏年十八歸張兩月夫故氏矢志靡

儀封縣志

卷之十一

貞節傳

五

他族人憫之公議同宗昭穆相當子姪爲氏立繼氏撫育嗣子敬奉翁姑自始至終克嫺婦道完節四十五年卒年六十三歲

秦宏邑諸生妻徐氏年二十五而寡孑然一身未有兒息恪守從一之義立夫弟紹曾之子愈森爲嗣氏育子持家勤苦終身孀居四十二年卒年六十七歲於雍正三年邑侯袁珂表其門曰節勵冰霜

秦純邑儒童妻孔氏年及笄歸純純少而好學甫

應縣試爲邑侯倫之綱首拔冠童子軍旋以疾卒
氏年二十四歲孀姑垂暮子煌言尙穉氏奉老撫
幼堅志守節孀居三十七年卒年六十歲

張法行妻甯氏年二十一而寡孤子學易甫九月
氏矢志守貞奉親撫子備嘗艱苦學易克承先業
身列成均完節五十四年卒年七十五歲於雍正
十一年請旌乾隆二年奉旨建坊祀節孝

馬爾璘邑監生妻侯氏爲同郡督學良翰室女青
年夫故孤子馬晉尙穉氏克勵清操迨子入監授

儀封縣志

卷之十一 貞節傳

五

室辛勤鞠養已歷二十餘年復遭摧折兩世宗祧
一朝幾斬氏痛夫哭子幾絕復藉賴有寡媳張氏
相依孝養克承姑志

馬晉邑監生妻張氏爲同邑禮部尙書伯行室女
年二十九夫亡孝事孀姑侯氏調羹視膳未嘗假
手婢人處諸姑羣姊在貴弗驕立姪鵬程爲繼嗣
兩代婦姑形影相弔卒年六十有三於乾隆二年
具題建坊祀節孝

馬爾珣妻趙氏年十七于歸結縭九載生子馬均

馬昂夫故氏絕食號泣幾不欲生念邁姑在堂釋
子在抱代夫仰事俯育迨二子漸次成立夫堂兄
乏嗣乃以次子昂繼之苦節五十三年卒年七十
一歲入稱完節遐齡

陳報國爲邑武弁任雲南蒙化遊擊納妾張氏生
子三齡報國卒於官氏年二十二歲矢志守義率
僕扶柩旋歸報國舊存田畝久爲族衆占耕氏爲
鳴官歸產教子就傳讀書守節五十一年卒年七
十三歲孫錫爵中式武闈曾孫恭楹入泮大衍厥

儀封縣志

卷之十一

貞節傳

五

族

尙瑒邑貢生繼妻張氏年十七歸尙七月夫故無
子以嫡姪思敬爲嗣氏苦志自持事孀姑王氏惟
謹撫前女嗣子無異已出思敬克繼家聲完節三
十五年卒年五十二歲

岳柁妻王氏年十八歸岳四載夫故遺孤益進未
滿二齡氏代夫仰事俯育益進恪守準繩趨踰學
校氏守節五十一年卒年七十三歲於乾隆二年
邑宰嵇琰錫額曰巾幗完人